



SAKSFRAMLEGG

Sakshandsamar:	Arkiv:	ArkivsakID
Ann Kristin Bolstad	FA-F40, TI-&20	21/1176

ENDRING I AVTALE OM ADMINISTRATIVT VERTSKOMMUNESAMARBEID GJELDANDE BARNEVERNSTENESTA

Vedlagte saksdokument:

Avtale om interkommunalt vertskommunesamarbeid for Osterøy, Vaksdal og Modalen barnevern

Kommunedirektøren sitt framlegg til vedtak:

Avtale om interkommunalt vertskommunesamarbeid for Osterøy, Vaksdal og Modalen barnevern vert vedteken slik den ligg føre

Saksopplysningar:

1. juli 2022 gjekk kommunane Modalen, Vaksdal og Osterøy saman i ei interkommunal barnevernsteneste. Avtale om interkommunalt samarbeid vart lagt fram til kommunestyret i sak 38/22 den 5. april 2022.

Sidan førre handsaming har Modalen kome til og alle endringar i samarbeidsavtalen skal vedtakast i kvar kommune.

Bakgrunn

Som ein del av barneversreforma som vart sett i verk 1. januar 2022 vart det gjort framlegg om eit samarbeid med annan barnevernsteneste for å stette loven sine krav og kommunen sine plikter til barnevern. Gjennom andre halvdel av 2021 og på nyåret 2022 vart det arbeid med eit interkommunalt samarbeid med Osterøy kommune.

Vaksdal barnevernsteneste har fram til det interkommunale samarbeidet med Osterøy hatt samarbeidsavtale med Modalen kommune der barnevernstenesta i Vaksdal har drifta barnevernstenesta Modalen. Våren 2022 bad Modalen kommune om å verte ein del av det interkommunale samarbeidet med Vaksdal og Osterøy kommunar.

Det er med bakgrunn i dette gjort følgjande endringar i avtale om administrativt vertskommunesamarbeid gjeldande barnevernstenesta i fire av avtalepunkta. Endringane er merka med understreka tekst.

1. Samarbeidskommunar

Opprinneleg tekst:

Avtalen gjeld mellom Osterøy som vertskommune og samarbeidskommunen Vaksdal kommune.

Ny tekst:

Avtalen gjeld mellom Osterøy kommune som vertskommune og samarbeidskommunane Vaksdal og Modalen kommunar.

3. Namn og føremål

Opprinneleg tekst:

Namn på felles barnevernteneste er Osterøy og Vaksdal barnevern.

Målet med felles barnevernteneste er å yte heilskaplege og forsvarlege barneverntenester i eit sterkt kompetansmiljø.

Ny tekst:

Namn på felles barnevernteneste er Sørfjorden barnevern.

Målet med felles barnevernteneste er å yte heilskaplege og forsvarlege barneverntenester i eit sterkt kompetansmiljø.

8. Økonomiske tilhøve

Opprinneleg tekst:

Driftskostnader skal bereknast etter sjølvkostprinsipp. Total kostnad for Osterøy og Vaksdal er berekna til kr. 8,5 mill,- pr. år. Beløpet er forankra i administrativt berekna kostnadsmodell og er basert på barnetal, 0 - 18 år, i samarbeidskommunane.

Etter første heile driftsår vert driftskostnader, ressursbruk og fordeling av faste kostnader evaluert og administrativt justert, jf. punkt 6.

I tillegg påløper kostnader i implementeringsfasen inkludert ikt-kostnadar som skal dekkast av samarbeidskommunane.

Utgifter til individtiltak skal kostnadsførast kommunen vedkomande er heimehøyrande. Ved trong for advokattenester ved fylkesnemndsaker og vert dette belasta kommunen vedkomande er heimehøyrande i.

Vaksdal kommune blir fakturert for fast beløp ved a-kontobeløp og avrekning.

Ny tekst:

Driftskostnader skal bereknast etter sjølvkostprinsipp. Total kostnad for Osterøy, Vaksdal og Modalen er berekna til kr. 10 000 000,- pr. år. Beløpet er forankra i administrativt berekna kostnadsmodell og er basert på barnetal, 0 - 18 år, i samarbeidskommunane.

Etter første heile driftsår vert driftskostnader, ressursbruk og fordeling av faste kostnaderevaluert og administrativt justert.

I tillegg påløper kostnader i implementeringsfasen inkludert ikt-kostnadar som skal dekkast av samarbeidskommunane. Dette vert vurdert til eit fastbeløp på kr 100 000.- for kvar kommune.

Utgifter til individtiltak skal kostnadsførast kommunen vedkomande er heimehøyrande. Ved trong for advokattenester ved fylkesnemndsaker og vert dette belasta kommunen vedkomande er heimehøyrande i.

Vaksdal og Modalen kommune blir fakturert for fast beløp ved a-kontobeløp og avrekning.

10. Iverksetting, avtaleendring og oppseiing

Opprinneleg tekst:

Planlagt iverksetting av Osterøy og Vaksdal barnevern er primo 2022. Faktisk dato vert bestemt administrativt, dog seinast 30.06.2022.

Prinsipielle endringar i avtalen skal vedtakast av kommunestyra. Mindre endringar i avtalen kan vedtakast av kommunedirektørane i samarbeidskommunane.

Samarbeidet vil kunne bli utvida med fleire kommunar. Dette krev kommunestyrevedtak av ny samarbeidsavtale.

Den enskilde kommune kan med eit års varsel seie opp avtalen, jf kommunelova § 20-8.

Ny tekst:

Oppstart av samarbeidet mellom Osterøy, Vaksdal og Modalen barnevern er 1. juli 2022.

Prinsipielle endringar i avtalen skal vedtakast av kommunestyra. Mindre endringar i avtalen kan vedtakast av kommunedirektørane i samarbeidskommunane.

Samarbeidet vil kunne bli utvida med fleire kommunar. Dette krev kommunestyrevedtak av ny samarbeidsavtale.

Den enskilde kommune kan med eitt års varsel seie opp avtalen, jf kommunelova § 20-8.

Vurdering

Endringar i samarbeidsavtalen går i hovudsak på å få Modalen inn i samarbeidsavtalen og med det endringar i blant anna økonomiske tilhøve.

Barnevernstenesta får namnet Sørfjorden barnevern.